



Publicaziuns dalla vischnaunca, jamna 15

Damonda da baghegiar

Datum da publicaziun: ils 12 d'avrel 2013

Nr. 2013-1018

Il patrun: Robert Casanova-Flepp Via Clis 6, 7180 Disentis/Mustér

Il representant: Robert Casanova-Flepp Via Clis 6, 7180 Disentis/Mustér

Object: Construcziun d'ina casetta da curtgin, parcella 1446, Via Clis 6, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 9-4-2013

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

2012-1007.001

Recal AG, Via Alpsu 49, 7180 Disentis/Mustér; completar la reit da provediment dil scaldament lontan viers ost; adattaziun dil project, Via dalla Staziun, Via Lucmagn, Via Alpsu, Via Sogn Sigisbert, Via Sursilvana, Via Cavardiras, Via Davos-Mustér, Via Sontget, Via Chischliun e Via dils Larischs; adattaziun dil project, 7180 Disentis/Mustér.

2013-1003.000

Gion Michel Flepp, Via Sontga Gada 7, 7180 Disentis/Mustér; casa d'ina habitaziun, spazzar parzialmein, sanaziun ed engrondaziun, parcella 657, Via Sontga Gada 7, 7180 Disentis/Mustér.

2013-1006.000

Vischnaunca Disentis/Mustér, Via Cons 2 e Corporaziun d'aua spina da vin, 7180 Disentis/Mustér; renovaziun dalla deflusiun a Sontget, Chischliun e Scaletta ed adattaziuns vid la lingia pil provediment d'aua a Scaletta, parcelas 900, 902, 910, 911, 914, 915, 930, 931, 932, 934, 971, 993, 1005, 2294, 2295, 2297, 2501, 2894, 2895, a Sontget, Chischliun e Scaletta, 7180 Disentis/Mustér.

2013-1007.000

Markus Rigoletth-Donau, Gassa da Cuoz 31, 7186 Segnas; suschna per auto, sco baghetg annex tiel clavau sin parcella 1212 (1213), Gassa da Cuoz 31, 7186 Segnas.

2013-1010.000

Schweizer Reisekasse (Reka), Neuengasse 15, 3001 Bern; construcziun d'ina nova piazza da giug, parcella 2292, Via Plauns 12, 7180 Disentis/Mustér.

Disentis/Mustér, ils 8-4-2013

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alineia 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2012-2016

Battista Tschuor-Deragisch, Via Gonda 8, 7180 Disentis/Mustér; sanaziun ed izolaziun dil tetg casa, baghetg sin parcella 1028, Via Gonda 8, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 8-4-2013

Uffeci da baghegiar Disentis/Mustér



Lenna da brisch

Damondas per lenna da brisch (sper via ni franco a casa) ein da far *en scret entochen ils 19 d'avrel 2013* agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér.

Uffeci forestal Disentis/ Mustér

Fiasta d'emprem d'uost el vitg

Aunc ussa vesa ei buca ora fetg sunter primavera ni schizun stad, mo zacu ei tutta neiv naven e las temperaturas ein puspei pli emperneivlas.

Igl ei vegniu da pliras varts il giavisch da puspei organisar la fiasta d'emprem d'uost el vitg. Damai ch'ei vegn dapi entgins onns buca purschii pli brunchs sin las alps el contuorn ei noss'idea da porscher in brunch el vitg. Mintga menaschi havess aschia tuttina la pusseivladad d'era organisar sez ina fiasta ni porscher in arranschament special la sera. L'uniun Gastro ei pronta da porscher maun cun la restauraziun.

Tgei uniun havess interess d'organisar quella fiasta? La pusseivladad da far quei en pliras uniuns ei secapescha era dada. La vischnaunca segida tenor pusseivladad cun l'infrastructura ed ina contribuziun.

Bugen spitgein nus sin Vossas ideas e Vossa prontadad d'organisar quella fiasta d'emprem d'uost. Annunziei Vies interess entochen ils *13 da matg 2013* a geraua:

Madlen Deflorin-Spescha, Via Sursilvana 10, 7180 Disentis/Mustér, madlen@deflorin-spescha.ch, 081 947 46 96

Voss'annunzia fagess grond plascher. Per damondas ed informaziuns stat medemamein Madlen Deflorin-Spescha a disposiziun.

Controlla da habitonts

Mortori

Pia Levy-Bundi, naschida ils 17-4-1916, morta ils 3-4-2013.

Corporaziun d'aua Las Fontaunas Mumpé-Medel Invit alla radunonza generala

Sonda, ils 13 d'avrel 2013 allas 20.15 el local la scursalada.

Tractandas:

1. Elecziun da dumbravuschs
2. Prelecziun ed approbaziun dil protocol dils 28-4-2012
3. Rapport dil president
4. Rendaquen, rapport dils revisurs e dar scarica
5. Elecziuns: cassier, actuar
6. Orientaziun e decisiun pil contract SRG
7. Informaziun dallas lavurs, 2. etappa
8. Regulativ da taxas
9. Program da lavur
10. Varia

La suprastonza



Corporaziun megliuraziun squadra Segnas Invit alla radunonza generala 2013

Gliendisdis, ils 22 d'avrel 2013 allas 20.15 en casa da scola, Segnas.

Tractandas:

1. Beinvegni
2. Elecziun d'in dumbravuschs
3. Prelecziun ed approbaziun dil protocol 2012
4. Rendaquen e rapport dils revisurs
5. Orientaziuns
6. Taxas annualas
7. Salarisaziuns
8. Program da lavur
9. Varia

A stedia participaziun envida
la suprastonza

Rimnada da pupi

Venderdis, ils 26-4-2013

Adatg! Ei vegn mo rimnau: gassetas, illustradas, catalogs, cudischs e prospect stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00).

Bien engraziament per Vies agid e sustegn!
Scolas Mustér, Ch. Berger

Producziuns finalas Movis – Moviment e sault per affons e giuventetgna

Las 10 gruppas d'affons e giuventetgna da Mustér e las vischnaucas vischinontas presentan lur coreografias ch'ellas han exercitau durant igl onn da sault 2012/13.

Cu? Venderdis, ils 19-4-2013 allas 20.00
sonda, ils 20-4-2013 allas 20.00
dumengia, ils 21-4-2013 allas 14.00

Nua? Halla Cons, Mustér

Tanzaufführung Movis

Die 10 Kinder- und Jugendgruppen von Disentis und Umgebung präsentieren ihre Choreografien, die sie während des Tanzjahres 2012/13 einstudiert haben.

Wann? Freitag, 19.4.2013, um 20.00 Uhr
Samstag, 20.4.2013, um 20.00 Uhr
Sonntag, 21.4.2013, um 14.00 Uhr

Wo? Halle Cons, Disentis

Sin Vossa viseta selegran *ils Movis*



Biblioteca populara Mustér Kamishibai cun Mats, la miur

Eis ti denter 3 e 7 onns? Has ti gust da vegnir cun tia mumma ni cun in'otra persuna d'accompignament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surpresas en fuorma da Kamishibai e quei mintga gada **il secund venderdis dil meins dallas 14.30 tochen ca. las 15.30**. Nus selegrein zun fetg sin tei ...

Tgisà, forsa anflein nus mintgaton aunc enzatgei auter che mo cudischs en nossa valischa da surpresas!

Cun ils pli cars salids e sin seveser tochen gleiti.
Mats, la miur ed il team dalla biblioteca populara Mustér

Termins:

12 d'avrel, 10 da matg ed ils 14 da zercladur 2013

Forum cultural internaziunal Mustér (FCIM) Radunonza generala 2013

Mesjamna, ils 17 d'avrel 2013 allas 19.30 en canzlia communal plaun terren a Mustér.

Cordialmein envida
la suprastonza

Beach Sport Plaun Petschen, Cumpadials

Mira sut Sumvitg.